

16
DISSERTATIO MEDICA
INAUGURALIS,
DE
DYSENTERIA:

QUAM,

ANNUENTE SUMMO NUMINE,

Ex auctoritate Reverendi admodum Viri,

WILLIELMI ROBERTSON, S.S.T.P.

ACADEMIAE EDINBURGENAE PRAEFECTI;

NEC NON

Amplissimi SENATUS ACADEMICI consensu,

Et Nobilissimae FACULTATIS MEDICAE decreto;

PRO GRADU DOCTORATUS,

SUMMISQUE IN MEDICINA HONORIBUS ET PRIVILEGIIS

RITE AC LEGITIME CONSEQUENDIS,

ERUDITORUM EXAMINI SUBJICIT,


HUGO SHIELL, HIBERNUS.

Ad diem 20 Novembris, hora locoque solitis.

EDINBURGI:

APUD A. DONALDSON ET J. REID.

MDCCLXV.



VIRO EXIMIO,

J O H A N N I K N O X

DE COTTLESTOWN,

A R M I G E R O,

I N C O N V E N T U P U B L I C O H I B E R N I Æ

S E N A T O R I I N T E G E R R I M O,

M O R U M E L E G A N T I A E T B E N E V O L E N T I A

I N S I G N I,

P A T R O N O S U O L I B E R A L I S S I M O,

O B I N N U M E R A I N S E C O L L A T A B E N E F I C I A:

H A N C C E D I S S E R T A T I O N E M,

S T U D I O R U M S U O R U M P R I M I T I A S,

E O O B S E Q U I O E T O B S E R V A N T I A Q U O P A R E S T,

C O N S E C R A T,

E I D E V I N C T I S S I M U S,

H U G O S H I E L L

THE UNIVERSITY OF

CHICAGO

LIBRARY

OF

THE UNIVERSITY OF CHICAGO

LIBRARY

OF THE UNIVERSITY OF CHICAGO

LIBRARY

OF THE UNIVERSITY OF CHICAGO

OF THE UNIVERSITY OF CHICAGO

LIBRARY

OF THE UNIVERSITY OF CHICAGO

OF THE UNIVERSITY OF CHICAGO

LIBRARY

OF THE UNIVERSITY OF CHICAGO

DISSERTATIO MEDICA

INAUGURALIS,

DE

DYSENTERIA.

DEFINITIO.

DYSENTERIA, ab omnibus antiquis pariter et recentioribus medicis tractata, vixdum satis recte definita videtur.

QUAMOBREM aliorum definitiones exponere, easque parum accuratas esse monstrare, deinde propriam, et, ut spero, aptiorem adjicere institui.

MAGNUS HIPPOCRATES, qui dysenteriam quidem non definivit, haud recte eam descripsisse videtur. Illius haec sunt verba,

*Δυσεντερία ἀνευ οδύνης **.

* Epidem. 2. sect. vi.

POST eum GALENUS his verbis definit:

Δυσεντερία ἐστὶν ἐλκῶσις ἐντέρων, μετὰ φλεγμονῆς καὶ ἀποκρίσεως, αἱματώδων ἢ τρυγῶδων ἢ γὰρ καὶ ἀπολυμάτων, μετὰ τῆς δακνέσθαι, καὶ αλγεῖν τὴν κοιλίαν καὶ τὰ έντερα *.

HANC definitionem ARETAEUS † et ALEXANDER TRALLIANUS ‡ secuti sunt. Quibus multi alii, quorum in numero sunt PAULUS ÆGINETA ||, CAELIUS AURELIANUS **, et NIC. PISO †† assentiunt. Hujus verba haec sunt: “Dysenteria proprie
“ dicta ulceratio est intestinorum, dejectiones
“ ramentosas et dolorificas inducens.”

AB his omnibus, intestinorum exulceratio constans nota esse dicitur; sed immerito, ut mihi videtur: nam etiam si intestina saepe in dysenteria exulcerari fatendum est; tamen non semper id fieri, cadavera hoc morbo jugulatorum explorata ostendunt. Idem, quae-

* In definit. med. p. 263.

† Chron. pass. ii. cap. ix.

‡ Lib. x. cap. i.

|| Lib. iii. cap. xlii.

** Lib. iv. cap. vi.

†† De cognos. et curand. morb. lib. iii. cap. xv.

dam a BARTHOLINO *, BARBETTO †, et MORGAGNIO ‡ memorata, confirmant; verum esto exulcerationem semper in dysenteria esse, tamen cum a morbo oriatur, non una cum hoc nascatur, certe ad definitionem minime pertinet. Huc postremo accedit, quod intestina exulcerari etiam ab aliis morbis possunt.

IIDEM viri, tormina, tenesmus, sanguine distinctum stercus, cum strigmentis, in definitionibus suis memorant.

QUORUM tria priora, licet perpetua in dysenteria sint, non ad certam morbi cognitionem utique ducunt; siquidem experientia quotidiana, omnia ea dysenteriae cum diarrhoea communia esse, ostendit. Strigmenta vero quae nunquam, nisi morbo multum provento, apparent, a definitione ideo aliena sunt.

HARUM definitionum posteriorem partem, alii multi ex recentioribus sequuntur, et inge-

* Cent. vi. histor. 2.

† Lib. iv. cap. 3.

‡ De causis et sedib. morb. epist. 31.

niosus AKENSIDIUS sibi his verbis accommodat: “ Qui graviora patitur ventris tormina,
 “ simul cum frequenti desidendi cupiditate,
 “ et cum dejectionibus sanguineis vel muco-
 “ fis, eum hominem dysenteria laborare, o-
 “ mnes medici consentiunt *.” Tormina
 et tenesmus communia cum diarrhoea esse,
 dictum est. Sed eadem saepe etiam in ea
 aeque saeviunt ac in dysenteria; maxime si
 diarrhoeam medicamentum vehementer pur-
 gans, ut colocynthis aut scammonium, fece-
 rit; addendumque est, morbos male inter se
 distingui, eorundem signorum majori aut
 minori vehementia.

Post haec febris ad morbi definitionem
 accessit. ZWINGERIUS † primus febrem
 memoravit; quem deinde praeclarissimi scri-
 ptores HOFFMANNUS ‡, SYDENHAMUS ||,
 PRINGLIUS †, et alii plurimi secuti sunt.
 Verum enimvero haec nota a diarrhoea haud
 aliena est. Diarrhoeam enim, si gravis est,

* Vide Com. de dysent. p. 1.

† Theatr. prax. p. 342.

‡ Tom vi. p. 283.

|| Sydenh. oper. cap. 3.

† Pringle's observ. on the diseases of the army. p. 225.

febrilia mala, ut pulsum crebriorem, calorem auctum sitimque concitare, quis nescit? Nec defunt casus, ubi horror diarrhoeam praecedens, febrem per totum morbi cursum, deinde reliquit *. Videmus ergo, ne febrem quidem certum satis dysenteriae discrimen dare; et aliud signum certius, quo a diarrhoea internoscatur, quaerendum esse; atque sane unum mihi datum tale videtur, quo certissime sciri morbus queat, scilicet contagio. Certe hanc notam diarrhoeae nemo attribuit. Contagiosam autem dysenteriam esse, non argumentis hic probandum est; siquidem gravissimi auctores uno ore de hac re consentiunt. Mirum certe est, quod nemo hoc, quasi certissime dysenteriam a diarrhoea dissepiciens, notaverit, praeter illustrem DEGNERUM, cujus verba referam.

“ Maxime notandum hic erit, dysenteriam
“ veram esse adfectum specialissimum, et
“ velut per excellentiam hoc nomine nuncupatum; illamque, ut jam alibi notavimus, semper esse malignam, contagiosam; utpote quod contagium attributum

* Hoff. oper. tom. 3. p. 315.

6 DE DYSENTERIA.

“essentiale et proprium, ac criterium inseparabile est verae dysenteriae *.”

EANDEM hanc opinionem longa argumentorum serie praeclarissimus praeceptor noster CULLENUS in praelectionibus suis clinicis jamdudum probavit.

QUAE igitur prae reliquis omnibus definitio mihi placuit, haec est: scilicet, dysenteriam contagiosum et epidemicum morbum esse, cum torminibus, tenesmo, febre, et crebris dejectionibus plerumque sanguine tinctis.

Historia Morbi.

DYSENTERIA plerumque, praecipite aestate, vel ineunte autumnno, se ostendit, ad mensem Octobrem perstat; post quem deinde paulatim definit.

PAUCIS ante diebus, quam morbus adveniat, lassitudo, leviores capitis et tergi dolores, cibi fastidium, interdum ructus, ven-

* Joan. Hartm. Degner. histor. dysent. bilios. contag. p. 48.
tris

tris cum murmure tumor, hominem tentant. Haec deinde, frigoris sensus et horror, excipiunt; quibus, calor auctus et pulsus articularum citatiores, mox succedunt.

NONNULLORUM capita quasi vertigine circumagi videntur. Oculis tenebrae objiciuntur; quosdam nausea, vomendi cupiditas, et variarum fordium, viridescente, rubescente, aut flavescente colore, vomitus, male habet. Tandem alvum fusam, tormina et tenesmus vel mox subsequuntur, vel illa utique paulo praecedunt; circaque umbilicum, alias paulo supra eum, alias infra, sedent.

PER biduum primum, quae alvo redduntur, copiosa, et naturali stercore similia sunt. Post id et copia minuuntur, et aquosa, limosa, spumosa, et sanguine saepe imbuta, exprimuntur. Desidenti homini tenesmus intolerabilis est, tormina magis saeviunt, et omnium viscerum, quasi descendantium, aegritudo sentitur.

SI febris gravior est; cutis arefcit, fitis ingravescit, lingua albescente viscido muco obducitur;

8 DE DYSENTERIA.

obducitur; vigilia oritur, stranguria et urinae suppressio, et cum ventriculi morfu, circa praecordia gravitas deprimens, hominem exercent.

Post paucorum dierum moram, nonnunquam idoneis remediis morbi cursus sistitur: molestiae omnes paulatim decedunt; alvus rarius solvitur; tormina et tenesmus minus urgent; alvo reddita naturalis stercoreis figurae similia, et sine sanguine, apparent. Febrilia mala tolluntur, cibi desiderium et somnus redeunt.

SAEPE tamen morbus, frustra adhibitis omnibus remediis, diu saevire pergit; atque etiam miserum haud raro e medio tollit. Hic dejectiones longe crebriores fiunt; tormina ab umbilico ad imum ventrem, paulo supra os, quod pubis dicitur, eamque tergi partem, quae coli flexibus contraria est, migrant; ibique immota sedentia, tam immanes dolores concitant, ut largus sudor atque etiam animi defectus sequantur.

ALVUS varia, pro varia morbi saevitia, reddit.

reddit. Eadem quae limosa, et sanguine tantum distincta, apparuerant, eo saepe violentiae nunc procedunt, ut purus sanguis magna copia profundatur ; aut spumeum ulcerosum aliquid, aquae turbidae, in qua caro abluta est, haud dissimile ; aut viridescens vel aeruginosum quiddam prorumpat. Aliquando caseo aut carni similia quaedam, glandularum vel caruncularum instar ; ster-
cus duratum ; vesiculae parvulae, putente et male olente liquore quodam, plenae ; interioris intestinorum tunicae frustula, vel mucus haec imitans, sanguine aut purulenta materie mixta, hoc tempore excreta sunt. Quin et rectum ipsum modo descendit, modo adeo arcte constringitur, ut nihil intus recipiat.

Quod si stranguria et urinae suppressio non ante fuerunt, nunc adesse solent ; et urina, si quando redditur, alto colore exit, et crassissimum sedimentum ad imum vas demittit. Vigilat etiam magis homo, et circa praecordia gravitatem prementem magis sentit. Lingua et dentes nigra immunditiae obducuntur ; ad haec aphthae cum gut-
B turis

turis inflammatione ita accedunt, ut aegre vel non omnino homo deglutire possit. Singultus quoque aliquando torquet.

JAM robur totum consumptum est ; animi deprimuntur ; vultus animi maestitiam prae se fert ; oculi caligant, cavi foedique videntur. Sitis dolorque subito evanescunt. Alvus intus contenta, nesciente homine, reddit. Eadem purulenta et ichorosa, odore cadaveroso, et non tolerabili, existunt. Vacillant et intermittunt arteriarum pulsus. Extrema frigescent ; frigidus sudor, intus magno calore sentito, diffluit. Postremo, tantis aerumnis homo morte liberatur.

MORBI adventum et cursum, quam justissimo potui ordine, exposui ; signorum seriem maxime communem descripsi. Verum ubi aliquis solito in morbum pronior est, causaeque occasionales potentiores concurrunt, in ipso etiam initio omnia saeviunt, et intra breve tempus aegrotantem frequenter jugulant.

ALIA symptomata sunt, quae, quia et raro

ro incidunt, et nullam temporis rationem servant, ante omiffa, hic loci memoranda videntur.

STERCUS, vel stercore fimillimum, et specie et odore, quiddam, diversis morbi temporibus, vomitu rejectum est. Lumbrici rotundi supra et infra exierunt.

EXANTHEMATA varia, incertis temporibus, per cutem aliquando effloruerunt. DEGENERUS puellae ingenuae corpus, nigris maculis, et tuberculis nigris et duris, caruncularum pestilentialium instar, coopertum esse, et partes affectas primum mortuas esse, deinde puellam periisse, testatur.

TENDINUM subsultus convulsioneseve rarissime in hoc morbo apparent.

In incisfis cadaveribus observata.

EXPOSITIS jam signis quae in dysenteria se ostendunt, haud a proposito erit alienum, quaedam in cadaveribus incisfis ob-

servata adjicere ; idque quam brevissime absolvam.

ETIAMSI ventriculus, jecur, et pleraque abdominis viscerum una patiuntur, tamen, quia intestina morbi sedes sunt, quae in iis observata sunt, fere solum attingam.

DISCISSE dysenteria peremptorum abdomine, in conspectum data tunica intestinorum, praeter consuetudinem crassa, et diversa specie, pro morbi diversa natura, et modo rubescere, modo liventibus maculis distingui, modo nigrescere et putere, extrinsecus plerumque apparet. Eadem cultro aperta, intus muco naturali privata, semper animadvertuntur.

TUNICA villosa perquam tenera et imbecilla reperitur ; vel frustula inde abrafa, et in aliquid corruptum et limosum, putente odore, virescente vel subnigro colore, conversa, inveniuntur. Interdum copia sanguinis deprehenditur. Quae omnia inflammationis signa, cum exulceratione et quarundem partium morte, in amplioribus intestinis frequentissime,

frequentissime, in tenuioribus aut ventriculo rarius, animadvertuntur.

IN utrisque his, magna aëris copia vulgo gignitur ; convolutionesque tenuium intestinorum, membranis, praeter naturam natis, aliquando connectuntur.

QUAEDAM nuper, nunquam antea animadversa, detecta sunt. Clarus BAKERUS parvos quosdam processus, seu tuberculos, in caeco colo, et superiore recti tractu, sine cavo, ullo, alboque colore, et duodecima digiti parte eminentes, primus aperte memoravit *. Sed et celeberrimus CLEGHORNUS, qui duros tuberculos, in multis coli locis carum arctantes sese vidisse ait, eosdem mihi, quos BAKERUS significasse videtur †.

INGENIOSUS MONROIUS, in cadavere quodam, intestina mortua, et vesiculas parvas, putente maleque olente liquore plenas, deprehendit ‡.

* Baker de dysenteria Londinensi, p. 38. & seq.

† Cleghorn's observ. on the diseases of Minorca, p. 227.

‡ Monro on the diseases of the army, p. 65.

HAEC fere in intestinis observantur. Reliqua abdominis viscera plerumque non multum afficiuntur. Interdum tamen lien et hepar praeter naturam ampliantur, et inflammantur. Et in iisdem quoque abscessus aliquando fiunt.

MESENTERIUM plerumque multum tabescit, aliquando exulceratur et moritur. Ejusdem adeps frequenter viridescente vel nigrescente colore conspicitur.

PERITONAEUM nonnunquam inflammatur et exulceratur.

VESICA fellea ampliatur, ejusque bilis varia admodum et incerta conspecta est; sed plerumque tenacior, crassior, et nigra, raro in naturali statu, exploratur. Vesica eadem alias vacua, alias liquore quodam, simillima chylo specie, conspecta est; postremo urinae vesica, propter recti vicinitatem, multum patitur.

HIS observationibus alienis, * quaedam

* A Boneto, Morgagnio, Pringlio, Bakero, Monroio, aliisque cl. scriptoribus, assumptis.

a me superiore anno, in nosocomio Regio Edinenfi, cadavere incifo, obfervata adjiciam.

MARIA ROBERTSONIA a matre dyfenteria infecta, quinque dies ante aegrotaverat quam nosocomio accepta eft. Ubi vel feptimo poft die, vel morbi duodecimo, nonnullis rhaei et calomelanos bolis, et parvis ipecacoanhae portionibus, cum multis aliis remediis fruftra tentatis, deceffit.

ABDOMINE difciffo, et intestinis obiter infpectis, nihil praeter folitum appareat. Iifdem excuffis et perfpectis, recti totius, ficut et coli maximae partis, color externus vel livefcens vel purpureus et niger videbatur. Recti abfciffi, octo digitorum spatium in longitudinem, incifum eft. Per tres a fphinctere digitos, nonnullae intus partes multum inflammatae, aliae gangrenosae apparebant. Reliqua recti, et maxima coli pars quoque interior, magno tuberculorum puriorum et nigrefcentium numero, confita animadvertabantur.

A medio fere coli, iidem pauciores numero erant, intestinumque minus gangrenosum.

IN ilio circiter septem vel octo digitos a coli capite, tuberculi inter se multum distare, et albescente colore esse, cum parva hujus intestini inflammatione, cernebantur.

CIRCA summum recti et coli imum, ubi mors partis maxima erat, intestinum, per omnes ejus tunicas, facile, et in omnes partes, dilacerabatur. Eaque intestinorum pars, cum qua mesenterium et mesocolon conjunguntur, per totum spatium, quod laesum erat, pejus se, quam reliquae, habere conspiciebatur.

IN superiore coli tractu, ubi tuberculi rarius oculis occurrebant, multa loca leviter erosa animadvertiebantur. Etiam superius in colo et in initio ilii, ubi omnia haec etiam ostendebantur, nihil erat erosum, sed rubras maculas passim conspicabamur. Reliqua omnia abdominis viscera prorsus sana videbantur.

Causae

Causae remotae.

QUAMVIS dysenteriae natura est, per populos grassari, contagione turbas arripere, nec ulli hominum generi parcere; tamen quaedam corpora, ob propriam quandam iis conditionem, magis quam alia, ei patent. Haec conditio in humorum putredine et partium firmarum resolutione consistit. Itaque omnia quae haec faciunt, pro causis remotis habenda sunt. Quorum praecipua est AER CALIDUS. Calorem enim, ut corpora putrescant facere, ab omnibus concessum est. Hic, quomodo calor haec efficiat, non est dicendum. Satis enim est ad rem, de qua mihi agendum est, calore revera putredinem oriri, ostendere. Hoc in cadaveribus calor manifesto quotidieque efficit. Porro caloris corpora rarefaciendi, ideoque relaxandi, vis maxima est; qua vero ratione sic quoque putredinem adjuvare possit, alibi explicabitur.

C

HUMIDUS

HUMIDUS aër, semper nec immerito, putredinis humorum adjutrix, ideoque hujus morbi remota causa, existimatus est. Humiditas, ut nemo non novit, resolvit itaque debilitat firma corporum ; quo fit, ut officiis suis fungendis parum habilia reddantur ; unde necesse est, ut omnes secretiones et excretiones, maxime perspiratio, impediantur. Porro partes caloris vi putentes et nocentes libere exire prohibet, ideoque paulatim omnes humores necessario fermentant et assimilant ; vel humiditas idem efficere potest, foramina cutis occludendo, aëra saturando, et hanc materiem, per pulmones, aut summum corpus, perspiratam, accipere prohibendo.

Si igitur caloris et humoris vires seorsim perpendamus, eas conjunctas, dysenteriae homines multum patefacere, manifestum erit.

PALUDES, qui magni humoris fontes sunt, causis morbi remotis annumerandi sunt. Aquam, vaporis plus aut minus, prout major minorve ejus superficies aëri patet, emittere
✓ chemia

chemia docet. Unde sequitur, aquam in locis palustribus inaequaliter stagnantem, plures vapores exhalare, quam eandem ejus copiam, aequali superficie expositam.

IDEM hoc, in Ægypto inferiori, Nilus ostendit; quo inundante, et totos agros aquae altitudine obruente, et aequali undique summa parte aëri patente, accolae secunda valetudine fruuntur. Eodem vero iterum in alvum suum relabente, et paludis quoddam genus, cujus summa pars inaequalissima est, repraesentante, magna vaporis copia, pro aucta summa aquae fronte, undique circa exhalatur, unde fere cum pestes, tum alii morbi putridi nascuntur.

SED paludes alia ratione etiam plus periculi, tam dysenteriae, quam unius cujusque vitii putrescentis, adferunt; siquidem cum animalium, tum herbarum variarum putentium, varii inde halitus ad superum aëra feruntur; quin et ipsa aqua ut puteat, et similes vapores emittat, necesse est; quas omnes vapores fermentare, et humanorum

C 2

corporum

corporum humores in suam naturam convertere, manifestum est.

PORRO sylvis vicina loca a dysenteria magis, quam alia, infestari observata sunt. Humiditati enim magis patent; quae humiditas, partim a plantarum et similibus rerum perspiratione; multoque magis ex superficie per quam arbores et harum rami ac folia, rores et pluvias aëri patefaciunt, amplitudine oritur. Huc accedit, quod vapores plantarum et foliorum lapforum putredine nascuntur; et aër arboribus conclusus, et libere interclusus, stagnando vitatur.

VICTUS pravus, ut nimia caro cujuslibet generis, salita, et ea maxime, quae jam putrescere inceperit, aqua putens aut corrupta, humores putrefaciendo, huic morbo patefacere possunt, id quod scorbutus toties in alto mari navigantibus accidens ostendit.

POSTREMO senes, mulieres, dysenteriae patent, magis quam adolescentes, aut juvenes robusti et viribus valentes; scorbutici vero omnium maxime. Cujus rei rationem supra monstrata explanant.

Causae.

Causae Occasionales.

MULTAE hujus morbi causae apud scriptores inveniuntur, quorum hae solae memorandae videntur.

- I. Fructus horaei.
- II. Bilis acris.
- III. Impedita perspiratio.
- IV. Contagio.
- V. Vapores putentes.
- VI. Animi perturbationes.

DE his omnibus, pauca ordine dicenda sunt.

I. Fructus horaei.

FRUCTUS olim habiti sunt, et nunc etiam hujus morbi causae (a nonnullis) habentur; sed, ut mihi videtur, falso. Etenim fructuum putredini resistendi nota potentia, hanc opinionem non credibilem reddit. Contra eos occurrere ex putredine ortis morbis, et succurrere posse, verisimilius est. Requevera testimonia quaedam gravissimorum virorum hoc confirmant.

ALEXANDER

ALEXANDER TRALLIANUS * de dysenteria agens, eos, ait, qui uvis et aliis fructibus libere vescuntur, dysenteria mox affectos, mire convalescere. Quod dictum, nonnulli ex recentioribus scriptoribus, praecipue BAKERUS †, firmant. Ille autem liberrime fructibus vescentes, vulgo a dysenteria liberos fuisse, vel si quando in eam inciderant, facile curatos esse, testatur.

TISSOTIUS ‡ adeo fructus non dysenteriae causas arbitratus est, ut eos praesidia ejus esse, ad credendum experientia impulsus sit. Et plurima enumerat, in quibus fructuum usus, morbum jam apparentem lenissimum reddidit. Haec vero ejus observatio memoria imprimis digna est. Ex undecim enim hominibus dysenteria laborantibus, novem, qui fructuum haud parcam copiam devoraverant, convaluisse; reliquos duos qui abstinerant perisse, et plurima similia fide dignissima, narrat. Postremo longa experientia docuit, iis

* Lib. viii. p. 458.

† Baker com. p. 24.

‡ Avis au peuple sur la santé, § 320.

temporibus minime morbum se ostendere, quae maximam copiam fructuum suppeditant.

PRINGLIUS fructibus, praeter fraga, ad quae militibus aditus nullus erat, nondum maturis, castra in Germania dysenteriam invasisse, et circa tempus, quo uvae maturabant, quibusque omnes liberrime usi sunt, desisse, memorat. Nonne igitur tot clarorum virorum testimonia, fructus absolvere criminis dysenteriae faciendae, debent? Scriptores dysenteriae causam fructus eo credidisse videntur, quod eam a diarrhoea, quam fructus facere manifestum est, parum interno-verunt.

II. *Bilis acris.*

BILIS ardoribus aestivis vitiata, et intestina male habens, frequens dysenteriae causa est. Hanc opinionem omnium medicorum priorum solus doctus PRINGLIUS nuper refellere conatus est. Illius argumenta, praecipue incisae cadaveribus, nituntur; sed mihi parum momenti habere videntur. Si bilis hujus morbi causa esset, hepar et tenuia intestina magis affectum iri, ipsamque bilem conco-
lorem

lorem magis, et aequabiliore crassitie vel tenuitate fore, contendit.

EGO tenuia intestina minus saepe affici arbitror, quod eorum tunicae, chyli et aliorum liquorum copia ibi abundante, et vim bilis miscendo, frangente, magis defendantur. Contra, quia eadem diutius in amplioribus moratur; et horum calore multo acrior redditur, et minori liquorum copia diluitur, ideo ea magis laborant.

CUM vero hepar parum affectum dicatur, id nullam vim adfert; siquidem mutationem bilis non ab affecto hepate, sed ab actione caloris oriri prorsus, probandum est.

QUOD denique bilem debere magis concolorem, et simili semper facie esse contendatur; satis ad nostram rem est, si bilis in omnibus cadaveribus explorata, in statu parum naturali fere semper deprehensa est. Quae omnia bilem quoque in hoc morbo nocere, etiamsi varia ejus facies sit, ostendunt, sed et haec ipsa bilis varietas a variis morbi temporibus pendere videtur.

POSTREMO maximum huic opinioni pondus addit, quod, quo tempore dysenteria grassari solet, eo multi morbi biliosi, quales sunt febres biliosae et alii similes, comitantur.

III. *Impedita perspiratio.*

TEMPORE anni, quo dysenteria viget, dies calidissimi et inaequales, noctes frigidissimae sunt. Ergo corpus ante calefactum, subito frigore exceptum, morbi causa esse potest in eo, qui jam ante ei patuerat. Siquidem particulae putentes, corpore exire prohibitae, intus subsistunt, et humores fermentant et assimilant, moxque in intestina convertuntur.

IV. *Contagio.*

CONTAGIO omnium aliarum frequentissima causa dysenteriae est. Nam tametsi a supra memoratis causis et fieri potest, et initio semper fit; tamen cum multis jam communis facta sit, ut PRINGLIUS testatur, quinquageni contagione infecti, ubi singuli ab aliis causis commoti, patiuntur*. Contagionis efficacia ad dysenteriam gignendam

* Observ. on the diseases of the army, p. 263.

dubitanda non est, innumerabilibus rebus fidem facientibus. Scimus enim morbum saepe acceptum, desidente aliquo ibi, ubi dysentericus desiderat: nihilque tantopere eum, quantopere stercus eo laborantium male contactum, per turbam castrensem concitare.

DEGNERUS * eam dysenteriam, de qua ille agit, ab uno adolescente, qui forte ad id loci morbo affectus venerat, acceptam esse, et proxime correptos virum et ancillam fuisse; qui ibidem, ubi ille ventrem mox levaverant, literis prodidit. Huc accedit, quod, ut medici observaverunt, nutrices aegrotantium, et mulieres, quae lineas eorum vestes lavant, raro morbum effugiunt.

V. *Vapores putentes.*

VAPOR a carnibus putrescentibus veniens hunc morbum interdum facit. PRINGLIUS † quendam in dysenteriam veram incidisse ait, quia vapor sanguinis aliquot menses in phiala stagnando putrefacti, cum spiritu in corpus manaverat.

* Hist. dys. bil. contag. p. 96.

† Observ. on the diseases of the army, p. 265.

ANATOMICI, cum cadavera calidis tempestatibus putrefacta incidissent, a dysenteria aliquando affecti sunt.

VI. *Animi perturbationes.*

ANIMI perturbationes, ut timor, terror, causis annumerantur; nec mirum esse debet eas morbum adjuvare, quae corpus tantopere debilitant. Etenim omnes fere scriptores, peste et aliis morbis contagiosis grassantibus, eos in summo periculo versari, qui in maximo morbi metu sunt, et difficillime convalescere, consentiunt.

Causa Proxima.

ACRE aliquid in intestina agens, dysenteriae causam proximam esse, inter omnes constat. Sed qualis sit ejus natura, parum convenit. Quam utique putrescentem esse probant, adventus morbi nunquam non iis anni temporibus, qui manifesto putredinem faciunt; decessusque iis, quae principiis ejusdem occurrunt; tum scorbutici, quorum humores putere certum est, potissimum ei

D 2

patentes,

patentes, et difficillime convalescentes; ster-
cus denique putens, aëris generatio, et in-
testinorum affectio; postremo morbus a vapo-
ribus putridis factus, ut ante ostendimus, nul-
lum dubitandi locum relinquit.

HAEC putredo, ut modo dictum est, in
corpore genita, vel contagione laborantis
in intestina permanans, fermentationem, ac
proinde irritationem, creat. Irritatio motum
auget, et facit ut vasa intestinorum plus se-
cernant, et secreta in similem naturam pu-
tridam mutantur, itaque perpetuum fer-
mentum omnia turbet, et irritationem factam
usque fervet. Hinc inflammantur et exulce-
rantur intestina. Hac ratione pleraque morbi
symptomata explicare licet.

CUM diutius jam morbus duraverit, pu-
tens materia absorberi, et corporis humores
universos vitare potest. Unde aphthae et
alia exanthemata nascuntur. Humores vero
vitiari, cum sanguis corpore emissus fluxilis,
tum lac nutricum infantes inficiens, pro-
bant.

BRUNERUS hoc morbo laborantem mulierem, extincto infante, et nimia lactis copia pressam, mammis catulum admovisse; quo convulsionibus statim perempto, admotos duos alios eodem fato functos esse, memoriae prodidit *.

Prognosis.

HUNC morbum semper esse periculosum, maxime militibus, inter plerosque convenit. Alii periculum inde fere solum oriri, quod curatio parum matura nec idoneo tempore suscepta est, ideoque initia morbi nunquam negligenda esse, dicunt.

VERUM tametsi minus saepe gravia fore omnia, si principium non neglectum sit, fatendum est, tamen ut CLEGHORNIUS testatur, ea morbi natura est, ut nulla ejus facies periculo careat; frustra que multarum rerum, efficacem ad salutem vim, jactari, tot miserrorum perniciies doceat †.

* Aët. nat. cur. dec. 3. an. vi. p. 392.

† On the diseases of Minorca, p. 228.

NOSTRI morbi praefagium clarius erit, si non omnia per satura[m] complectamur, sed rerum, in communia capita redactarum, certam divisionem sequamur; quae divisio triplex erit.

PRIMA, aetatem et habitum aegrotantium;
ALTERA anni tempora;

POSTREMA, numerum et vim signorum, respicient.

QUOD igitur ad primam partem attinet, imbecilliora et solutiora corpora, qualia sunt puerorum, mulierum, et senum, maxime dysenteriae patere, jam ante dictum est; nunc vero eadem, in majori quoque quam reliqua versari periculo, dicendum est *. Praeter hos scorbutici et cachectici †, et omnes, quorum habitus et robur, aliis prioribus malis, praecipue lue venerea, afflicti sunt ‡, exitium metuere debent. Biliosam febrem dysenteria excipiens plerumque; cum febre vero carcerum, fere semper est lethalis ||.

* Sennert. lib. 3. p. 243.

† Hoff. oper. tom. 3. p. 135.

‡ Degner. hist. dys. bil. p. 29.

|| Observ. on the diseases of the army, p. 235.

OMNIS morbus acutus periculo plenus est mulieribus gravidis, quod dictum magni HIPPOCRATIS his verbis testimonium firmare videtur. Γυναίκεν ἐν γαστρὶ ἐχῶσαν, ἀπὸ τίνος τῶν οὐρῶν νόσσηται, λεφθῆναι, θανάσιμον *. Contra eae quæ jam pepererunt, nec dum ex pariendi labore convalescerunt, raro periclitari inveniuntur †.

POSTREMO, in hac parte, mitiorem nutribus et hystericis quam aliis dysenteriam esse, addendum est ‡.

TEMPUS vero anni, quo prae ceteris, ut ante monstratum est, dysenteria viget, scilicet autumnus, summum quoque periculum et metum eventus adfert. Id quod PRINGLIUS hoc testimonio firmat. “ Quos dysenteria ineunte aestate petit, ii facilius et certius convalescunt, quam qui, sub hujus finem vel autumnus initium, laborant ||.” Post autumnales dies, morbus indies, ut supra explicatum est, mitescit.

* Aph. sect. 5. aph. xxx.

† Baglivi prax. med. p. 110.

‡ Kleinii interp. clin. p. 66.

|| Observat. on the diseases of the army, p. 224.

Quod ad ultimam partem attinet, periculi plerumque rationem, pro febris ratione esse, observatum est. Scilicet quo graviora mala febrilia, sitis, anxietas, vigilia, et alia sunt, eo minus spei dari salutis *.

NAUSEA magna, vomitusque, incipiente morbo, a multis malum eventum significare credita sunt. BAGLIVIVS, omnes fere qui in initio multum nausearunt et vomuerant, periisse animadvertit †.

PROCEDENTE morbo, sanguis aliquando vomitu rejicitur, quod semper malum est. Stercori vero simile aut puri, et male olens aliquid, vomitu redditum, aliquam partem jam mortuam, et totius corporis mortem mox secuturam, denunciat ‡.

Quo crebrius reddit alvus, quo pejus olent reddita, et graviora tormina et tenesmus sunt, eo metuendus magis finis est. Alvo reddita

* Junker. conspect. med. p. 636.

† Bag. prax. med. p. 110.

‡ Deg. hist. dys. bil. cont. p. 23.

viridescencia aut subnigra, cum pravo odore et carunculis mistis, apparentia, summum ostendere periculum HIPPOCRATES judicavit,

Ην υπο δυσεντερειας εχουμενω, σαρκες υποχωρησασι θανισμον *.

LIQUORES per alvum immixti, et statim rejecti, intestina paralyti affecta, et metuum futurum, indicat †, cum omnis dolor definit, et purulenta vel cadaverosa infra exit materia, frustis intestinorum commixtis, exitum imminet ‡.

APHTHAE, gutturis inflammatio, deglutiendi difficultas, singultus ||, animus deficiens, oculorum caligo, iidem subsidentes, pulsus artiarum intermittentes, frigidus sudor, extremorum artuum frigus, maculae nigrae et tuberculae maximae pone aures †, convulsiones, et delirium, supremam horam venisse, nunciant. A re alienum non erit, quid pulsus significet, hoc in loco addere. Pulsus deficiens malam spem; intermittens, etiamsi

* Hippoc. aph. lib. iv. aph. xxvi.

† Hoff. oper. omn. tom. 3. p. 135.

‡ Deg. hist. bilios. contag. p. 26.

|| Hoc symptoma aliquando in ipso morbi initio sine periculo observatur.

† Kleinii interp. clin. p. 66.

ad naturalem modum redeat, alteram intermissionem et mortem futuram, praedicat *.

Si, post aliquot dies, superiora mala pauca vel nulla manent, et ea ipsa mitescunt, si anxietas parva est, febrilia mala levantur, tormina et tenesmus minus multo torquent, quaeque alvo redduntur, indies ad naturalem figuram et faciem magis accedunt, et cibi desiderium redit, omnia fausta ad salutem tendunt. Hoc in statu sudor sponte manans †, aërque infra emissus, ‡ spem futuri augment.

Hic morbus diuturnitate varius plerumque quatordecim dies manet, saepe tertio vel quarto || jugulat: aliquando ad quadragesimum usque producitur †.

* Deg. hist. dys. bilios. contag. p. 25.

† Deg. hist. dys. bilios. contag. p. 27.

‡ Baglivi prax. med. p. 110.

|| Deg. hist. dys. bilios. contag. p. 19.

† Hoff. oper. tom. 3. p. 135.

Medendi Ratio.

HOC in morbo curatio sextuplex est.

PRIMUM si quid inflammationis est, ea tollenda.

DEINDE acris materia et stercus duratum auferenda.

POST quod materies remanens corrigenda.

TUM humores ad summum corpus revocandi.

DENIQUE symptomata levanda.

POSTREMO justus intestinorum tonus re-
stituendus.

PRIMA hujus divisionis pars, sanguinis certe detractionem postulat. Etenim si quis dysenteriae comitem febrem esse, et, ut cada-
vera incisa ostendunt, intestina semper in-
flammari respiciat, is, sanguine misso, praefer-

tim plenis et robustis hominibus, opus esse, prorsus fatebitur; neque antiquiore opinione, et a nonnullis etiam hoc tempore probata, sanguinem in dysenteria detrahi vetante, morabitur. Verum cum putridae naturae sit morbus, sanguis aequè libere, ac inflammatorii morbi postulant, non est mittendus. Hoc remedium plerique hoc tempore probant; neque idem, complures antiquiores non sua auctoritate confirmant. Quorum in numero sunt, AMATUS LUISIANUS *, ALTIMARIUS †, BOTALLUS ‡, qui plures homines dysenteria ita affectos, ut sine sanguine saepius detracto, frustra alia omnia auxilia fuerint, testantur. RIVERIUS, septimo et octavo die, nonnullis sanguinem suo jussu prospere adsumptum, ait ||. Postremo SYDENHAMUS sese quendam, omnibus aliis medicamentis frustra adhibitis, sola sanguinis missione sanasse, memoriae prodidit †.

QUANTUM vero sanguinis detrahi debeat,

* Cent. 2. observ. 48.

† De meden. corpor. hum. malis, cap. 74.

‡ Botall. op. cap. iv.

|| Cent. 2. observ. 64.

† Sydenh. oper. p. 115.

vires et habitus aegrotantis, signorumque inflammationis vehementia, solum ostendunt.

RARO plus semel vena secari debet. Et quamvis plerumque sanguis in initiis morbi mittendus, tamen non semper, mihi videtur; ne nonnulli imbecilli admodum, iique in quibus inflammationis signa non ingravescent, hac ratione laedantur.

NULLA re amplius, praeter refrigerantes potiones, injectiones, et fomentationes emollientes, in hoc morbo dari solitas, adversus inflammationem opus est.

AD materiem acrem et stercus duratum ejiciendum, supra et infra purgantia valent; sed e magna medicamentorum a scriptoribus laudatorum copia, delectus difficilis est. Ex antimonio parata semper ob alias causas praecpta sunt, et ad vomitum quoque excitandum adhibita.

VITRUM ceratum antimonii prae ceteris placuit. Sed, cum ob incertam, tum ob violentam ejus actionem, nunc ab omnibus fere omittitur; atque ab ipso quidem PRING-
LIO,

LIO, qui primus id commendavit *. Pro quo, et ille, et plerique alii, Ipecacuana utuntur. Sed Tartarus emeticus a quibusdam nuper laudatus, quia et vomitum movet, et post hunc alvum purgat, et praeterea nulla in re ipecacuanae inferior est, mihi potius videtur. Idem fat leniter semper agit, si portio aegrotantis viribus conveniens detur. Sed five hoc five illa placeat, actionem medicamenti chamæmeli infusum adjuvabit. Id omnibus aliis, ob putredini resistentem, et corpus roborantem vim, PRINGLIUS anteponit.

HOMO in initio, protinus post sanguinem detractum, et subinde per morbi cursum, vomere debet, si nauseat, aut si in ore ingratus sit sapor.

ALVUM purgantium delectus, aliis alia laudantibus, et laudata ab aliis damnantibus, nec solum non salutem, sed perniciem adferre, dictitantibus, difficillimus invenitur. Rad. rhei habita est, et etiam nunc, a multis viris magnis, efficax imprimis habetur.

PRINGLIUS, cum octava merc. dulcis parte,

* Medical Essays, vol. v. p. 162.

actionem ejus sic efficaciorum et faciliorem reddi expertus, misceri rheum praecipit *.

DEGNERUS idem non solum mirabiliter purgare, et quolibet morbi tempore tuto posse dari, sed propria quadam vi praeditum esse, et dolores confopendi, ac corporis motus componendi, arbitratur, et sine eo se morbi curationem nolle suscipere addidit †.

SED verisimile est, nullam veram causam, has eximias proprietates ei tribuendi, esse; rheumque aliis multis alvum in hoc morbo purgantibus praestare, eo dubitandum est, quod SYDENHAMUS in dysenteria quoque sennam utiliter inculcavit ‡. Quin et proximo bello, cum medicis castrensibus, rheum defuisset, ad jalapium confugerunt; quod aequè bene respondere experti sunt. DEGNERUS rheum in tincturae formam parari cum aqua menthae, et salis tartari pauxillo, praecipit. Fierique potest, ut hac ratione

* Observ. on the diseases of the army, p. 273.

† Hist. dys. bilios. contag. p. 142.

‡ Sydenh. oper. p. 183.

paratum,

paratum, aliis praestet, quippe quod nauseam vel vomitum minus moveat.

UT ut rheum ab his viris celeberrimis et aliis laudatur, tamen alii quoque sunt, qui (et ut mihi videtur jure) actionem ejus perquam imbecillem et incertam esse, et dolores augendi periculum adferre credunt. Quam ob causam, mannam et salem Glauberi aqua solutos, quadam olei portione mistos, pro eo nuper, inculcare feliciter coeperunt *, cumque summa horum virtus, ni fallor, sit stercus duratum expellere, hoc medicamentum mihi maxime idoneum videtur, quippe quod vias lubricat, et forsan stercus duratum dissolvat. Quo fiet, ut minus intestinorum tractus irritandi periculum, sequatur.

POST alvi purgationem peractam, ad intestinorum motus ab ea excitatos componendos, lene opiatum detur.

AD materiem acrem corrigendam, quoniam putentem eam esse demonstravimus, antisepti-

* Vide an account of the diseases of the army in Germany, by Dr. Monro, p. 70.

ca, et prae ceteris cortex Peruvianus, valerent. Sed, ullo inflammationis signo adhuc superstitite, ne administrentur.

POTIONES mucilaginosae, quales sunt ex gummi Arabico et Tragacantho, adhibeantur. Aqua, in qua oryza decocta est, quae blanda et mulcente natura est, prodest. Et quia eadem natura est, serum lactis quoque convenit. Hoc olim in magno honore fuit. BAGLIVIVS plures se solo eo adhibito sanasse, et vim ejusdem nonnullos arcanam habuisse, memoravit *.

Ex cera parata diu laudata sunt. Nonnulli eam liquoribus spirituosus diffundi praecipiunt, sed sic paratae cerae vix credendum est. Hoc a PRINGLIO commendatum gratius et efficacius est.

Recipe Cerae flavae ras. dr. i. et semis.
Sapon. Hispan. dur. ras. scrup. i.
Aquae fontanae dr. i.

LIQUEScant leni igne, assidue agitando, donec in unum coeant, dein effundatur liquor in mortarium marmoreum, sensim admiscendo

* Bag. prax. med. p. 110.

Aquae font. unc. vii.

— e nuc. mosch. unc. i. ut f. emulsio.

HANC emulsionem in certas portiones ita dividi, ut diversis temporibus, diei unius spatium totus perpotetur, monet *.

SI hanc homo potionem fastidit, lacte ceram, ut DIEMERBROECKIO placet, diffusam accipiat †.

DEGNERUS mucilaginem, vel gelatinam quandam, ex radice Salab confectam, haud modicis laudibus effert; eamque, cum, ut potionibus oleosis uti perseverarent, aegrotantibus persuadere nequiret, et gratam et efficacem medicinam fuisse, testatur ‡. Hanc plantam, quae parum adhuc nota videtur, scire cupientes, ad ipsum DEGNERUM relego ||. Liquores similiter mulcente natura, per alvum prospere immittuntur.

* Pringle's observ. on the diseases of the army, p. 283.

† Observ. et cur. medic. obs. 27.

‡ Hist. dysen. contag. bilios. p. 169.

|| Vide locum citatum.

Quod ad humores ad summum corpus revocandum attinet, Vitrum ceratum antimonii, quod diu in dysenteria laudatum diximus, quanquam pro vomitum excitante dari consuevit; tamen etiam plus prodesse, sudorem movendo, creditum est; sed, ob eandem causam, qua pro emetico, pro sudorem movente quoque, repudiatum est; et in ejus locum ipecacuana substituta. Post quod, omnia ex antimonio parata in suspicionem periculi, ex vehementi eorum actione, dysentericis adferendi, inciderunt. Quo fit, ut tutissimo et potentissimo remedio ex antimonio parato, nempe Tartaro emetico, privemur. Verum incerta et periculosa vitri cerati actio, non ex antimonii ulla proprietate oritur, sed in ratione hoc parandi solum consistit, id quod sequentia evincent.

VITRUM ceratum in acidis solis solubile est; ob quam causam, in nonnullis ventriculis, ubi acidi portio minor est, propemodum quiescere potest. Contra alii homini, cujus ventriculus acido abundet, eadem medicamenti copia data, vel eidem, alio tempore, maximas turbas excitare periclitatur. Praetera plerique morbis affecti, prout infirmiores fiunt, ita a-

cido in primis viis nascenti magis patent ; quo fieri potest, ut ea portio, quae incipiente morbo tuto data est, postea data hominem jugulet.

VITRUM ad subitam aut violentam ejus actionem prohibendam, cera incrustari solet ; itaque si satis incrustatum non est, aut quocunque casu cera elapsa est, actio ejus praeter spem medentis, ut violentior sit, necesse est : nec fieri potest, ut duae ejusdem portiones pariter incrustatae reperiantur. Quocirca hanc antimonii formam semper periculosam fore, fatendum est. Sed Tartarus emeticus ex antimonio quoque paratus, quemque vomitum bene excitare supra dictum est, exiguis portionibus datus, ad sudorem eliciendum efficax est : nec huic idem incommodi objici, quod superiori, potest ; siquidem vel solutum ingeri, vel stomachi quovis liquore facile solvi, potest. Ipse saepe summo id auxilio esse vidi. Quin et illustris CULLENUS, noster praeceptor, saepe in usu medendi, periculo ejus facto, magnam in eo spem locandam dicit. Idem, opio addito, ad cutem humores potenter derivat ; nec obstat quicquam, quo

quo minus opium, quo per morbi cursum frequenter opus est, huic jungatur.

LICET ipecacuana huic consilio sat bene aliquando respondet, tamen nunquam tam certo, quam tartarus emeticus, agit. Quod praeterea hoc commodi habet, ut vino aquave ita solutus dari queat, ut gustu sit gratissimum, qua re quid commodius esse potest, ubi danda saepe aliqua medicina est? Contra ipecacuana adeo ingrata est, ut paucis, ut eo uti perseverent, possit persuaderi. Tartaro emetico solum hic opus est; omnia calefacientia hunc in finem vitentur.

QUINTA pars nostrae divisionis fuit, affectiones saevientes lenire. Itaque tormina et tenesmus summam curam nostram vindicant.

TORMINA non solum per se molestiae et dolori sunt, verum etiam morbum multum augent. Ea, nisi gravia sint, mollientibus fomentis, liquoris spirituosi paullulo adjecto, multum levantur. Liquores eadem natura, qualia oleum lini, pinguis ovinae juscula, amyli decoctum, per anum immittantur. Sed summum in opiatis praesidium est, quae rectius per anum, ut protinus ad partem laborantem

laborantem perveniant, quoque immittuntur. Quod si fit, eodem tempore, ne eadem ore ingerantur.

PRINGELIUS chamaemelum infusum frequentius haustum utilissimum reperit.

Si dolores certa parte sedent, et his parum moventur; vesicatorium vel emplastrum, cum quarta vesicatorii parte, supra locum dolentem impositum, aliquando profuit. PRINGELIUS hoc suadet; sed quomodo hoc possit prodesse, difficile dictu est. Forsitan aliqua materia elicit, prodesse crederetur, nisi emplastrum, quarta vesicatorii parte adjuncta, idem efficeret.

TENESMUS eodem modo vulgo levatur, quem si sterco durum usque transiens aut fecit, aut factum auxit, medicina, manna cum sale Glauberi infra purgans, cujus supra mentio facta est, eum feliciter solvet. Quod si ne haec quidem medicina semel aut iterum data constantem tenesimum solvit, Rectum exulceratum esse, credendum est. Itaque modo memorati liquores dolorem componentes, et omnia mollientes, in auxilium vocentur. Nonnullis, Balsamus Locatelli, liquorisve alvi immittendi,

immittendi, vel ore accipiendi, pars utilis esse videtur.

SI motus frequentiores, et irritatio ullius intestinorum partis, mortem minitantur, Cortex Peruvianus dari debet. Idem infra cum fructu immitti potest, neve protinus rursus redeat, opii aliquid adjiciatur.

INGENIOSUS vir JOHANNES HUNTERUS primum hoc consilium secutus est, quatuor uncias fortis Corticis Peruviani decoctionis cum aliquot opii granis ea solutis, per anum immittendas, curavit. Et si medicamentum maturius justo rediit, iterum idem donec ad sententiam aliqua ex parte res processisset, denuo tentavit *. Hoc remedii genus plerumque prodesse expertus est.

IDEM, radicem tormentillae et corticem querci, opio adjecto, vix minus valere reperit.

UBI morbus inveteravit, vires multum imminutae sunt, et aphthae jam apparent, solus cortex Peruvianus, adjecto radicis serpentariae aliquantulo, tentari, et tanta copia,

* Pringle's observ. on the diseases of the army, p. 286.

quantam ventriculus hominis ferre possit, dari debet. Hoc morbi tempore celeberrimi Professoris WHYTII ratio ita nostro proposito convenit, ut ipsius verborum interpretatio hic omittenda non videatur. “ In
 “ pravo illo dysenteriae statu, cum in ore et
 “ in primis viis aphthae mox appariturae
 “ essent, vel jam etiam apparuissent, corti-
 “ cem Peruvianum, jam ante iis, quae
 “ movenda visa erunt, aut laborantes ferre
 “ potuerant, purgatione infra, et supra, aut
 “ sanguinis detractio, motis, feliciter dedi.

“ DUABUS corticis libris, tres confectionis
 “ japonicae drachmas vel unciae unius dimi-
 “ dium addidi; cujus medicamenti bina
 “ cochlearia in quaternas horas dari prae-
 “ cepi, sine ulla alia medicina, praeter
 “ laudani aliquantulum, somni petendi
 “ tempore. Ejusdem usu cum alvus com-
 “ pressa esset, rheum inculcavi. Post quod
 “ corticis decoctum administrare perseveravi,
 “ confectionis minus, aliquando nihil omni-
 “ no adhibens *.”

SI morbus diu duravit, tam corpus uni-
 versum, quam intestinorum tractus necessario infirma redduntur.

* Pringle's observ. on the diseases of the army, p. 285.

ERGO quod sexto loco promissimus, scilicet intestinorum tonum restituere conari, proxime est tentandum.

HIC leniter adstringentia et roborantia summam spem ostendunt. Quorum numerus pene infinitus a scriptoribus, five ex plantarum five ex terra effossum generibus, memoratus est. Ex plantarum genere sunt lignum Campechense, et Cortex Simarubae. Hanc DEGNERUS, per totum morbi cursum, prodesse, et bilem, a qua morbum ortum credit, potenter corrigere * ait. Contra alii doctissimi medici, etiamsi eam optime astringere et roborare, fatentur; tamen in inflammationis statu nocere experti sunt †. Cortex Peruvianus ad curationem perficiendam maxime efficax est. Ante horum usum ventriculum, vomendo, purgari convenit.

CORTICE Coneffi, praeclarissimo nostro praeceptore MONRO patre teste, quidam dysenteria laborans, aliis omnibus remediis frustra adhibitis, sanatus est ‡. Cortex cascarillae olim magni habitus est.

* Deg. hist. dys. contag. bilios. p. 156.

† Pringle's observ. p. 292.

‡ Medical essays, vol. 3. art. 4.

... of the ...
... of the ...
... of the ...

... of the ...
... of the ...
... of the ...
... of the ...

... of the ...
... of the ...
... of the ...
... of the ...

... of the ...

... of the ...